

集部輯佚文獻彙編

翟金明

主編



國家圖書館出版社

76

集部輯佚文獻彙編

76

翁計 田吟齋

中華書局影印

(南朝梁)劉孝綽撰 (明)張燮輯

劉秘書集二卷附錄一卷
(卷二附錄)

明天啓崇禎刻《七十二家集》本

第七十六冊目錄

別集(七十六)

南朝梁(十)

劉秘書集二卷附錄一卷(卷二附錄) (南朝梁)劉孝綽撰 (明)張燮輯

卷二 一

附錄 三七

劉孝綽 (南朝梁)劉孝綽撰 (清)嚴可均輯 六三

劉孝綽 (南朝梁)劉孝綽撰 丁福保輯 七八

徐悱妻劉氏 (南朝梁)劉令嫻撰 (明)馮惟訥輯 一〇〇

劉令嫻 (南朝梁)劉令嫻撰 (清)嚴可均輯 一〇七

徐悱妻劉氏 (南朝梁)劉令嫻撰 丁福保輯 一〇九

劉緩 (南朝梁)劉緩撰 (明)馮惟訥輯 一二

劉緩 (南朝梁)劉緩撰 (清)嚴可均輯 一一七

劉綏（南朝梁）劉綏撰 丁福保輯	一二〇
華陽陶隱居集二卷（南朝梁）陶弘景撰	
序	一二三
卷上	一二五
卷下	一六五
貞白先生陶隱居文集一卷（南朝梁）陶弘景撰	一八七
陶貞白集二卷（南朝梁）陶弘景撰	
序	三一七
目錄	三二三
卷一	三二九
卷二	三六九
陶弘景（南朝梁）陶弘景撰（明）馮惟訥輯	四一七
陶隱居集四卷附錄一卷（南朝梁）陶弘景撰（明）張燮輯	
序	四二七
目錄	四三九
卷一	四五一

卷二		四八五
卷三		五一七
卷四		五四七
附録		五七七
陶通明集 （南朝梁）陶弘景撰		六六一

劉秘書集卷之二

梁彭城劉孝綽孝綽著

明閩漳張燮紹和纂

表

爲鄱陽嗣王初讓雍州表

臣聞大邦維屏旣慙宗子之詩思樂泮宮有缺
僖公之頌特以周興九伯錫壤參虛漢啓二河
分珪舊楚身私家慶總集微躬雍部襟帶跨制
數州西拒嶢關北跨鄧塞雖復呼韓來朝豪街

納質三虜尋戈四郊無警猶當王戎雅識羊祜
尚義告諸已無或宴安進思盡忠幾乎私
竭

啓

謝高祖啓

臣不能銜珠避顛傾柯衛足以茲疎悖與物多
忤兼逢匿怨之友遂居司隸之官交構是非用
成萋菲日月昭回俯明枉直獄書每御輒鑒蔣
濟之寃炙髮見明非關陳正之辯遂漏斯密網
免彼嚴棘得使還同士伍比屋唐民生死肉骨
豈侔其施臣誠無識孰不戴天疎遠畝隴絕望
高闕而降其接引優以旨喻於臣微物足爲榮

隕况剛條落葉忽沾雲露周行所寘復齒盛流
但雕朽汚糞徒成延獎捕影繫風終無効答

與東宮啓

臣聞之先聖以衆惡之必監焉衆好之必監焉
豈非孤特則積毀所歸比周則積譽斯信知好
惡之間必待明鑒故晏嬰再爲阿宰而前毀後
譽後譽出於阿意前毀由於直道是以一犬所
噬旨酒貿其甘酸一手所搖嘉樹變其生死又
鄒陽有言士無賢愚入朝見嫉至若臧文之下
展季靳尚之放靈均絳侯之排賈生平津之陷
主父自茲厥後其徒寔繁曲筆短辭不暇殫述

寸管所窺常由切齒殿下誨道觀書俯同好學
前載枉直備該神覽臣昔因立侍親承緒言飄
風貝錦譬彼讒慝聖旨殷勤深以爲歎臣資愚
褻直不能杜漸防微曾未幾何逢訕罹難雖吹
毛洗垢在朝而同嗟而嚴文峻法肆姦其必奏
不顧賣友志欲要君自非上帝運超已之光昭
陵陽之虐舞文虛謗不取信於宸明在縲嬰纏
幸得蠲於庸闇裁下免黜之書仍頒朝會之旨
小人未識通方繫馬縣車息絕朝覲方願滅影

銷聲遂移林谷不悟天聽罔已造次必彰不以
距違見疵復使引籍雲陞降寬秘之色垂布帛
之言形之千載所蒙已厚况乃恩等特召榮同
起家望古自惟彌覺多忝但未渝丹石永藏輪
軌相彼工言構茲媒譏且歛冬而生已凋柯葉
空延德澤無謝陽春



謝爲東宮奉經啓

皇太子四術夙知三善非學猶復旁求儒雅應
物稽疑業允夏校德茂周庠諸侯宋魯於焉觀
則叅陪盛禮莫匪國華臣雖職典經圖而同官
不一推擇而舉尚多髦俊寵允曲被獨在選中
他日朝聞猶甘夕死况茲恩重彌見生輕

此篇文字因紙質模糊及損壞，內容難以辨識。僅能辨認出部分字樣，如「...」等。

謝給藥啓

一物之微遂留停育名醫上藥爰自城府雖巫
咸視診岐伯下鍼松子玉漿衛卿雲液比妙衆
珍實云多愧